



## **COMUNICADO DI PRENSA**

**Fecha: 23 di juli 2009**

**No.: 05 - 09**

**Oranjestad** - Dialuna 20 di juli ultimo, Comision Bon Boluntad (CBB) a reuni pa promer biaha hunto cu representante di e tres partidonan cu a firma e Convenio Electoral 2009. E reunion hunto cu e representantenan aki ta constitui e Cuerpo di Supervision, cu di awor te dia di eleccion lo bay vigila campaña electoral.

Na e reunion a participa sr. Henry de Cuba, sr. Glenn Lande y sr. Armando Villasmil pa respectivamente partido RED, MPA y AVP.

E reunion a trata diferente tema di interes pa start sali cu e trabao di supervision.

Asina a keda aproba un formulario nobo cu por ser usa pa cualkier ciudadano cu lo desea di duna nan comentario, tanto riba suceso negativo (keho) como tambe comentario positivo y recomendacion pa mehora trabao.

Di e forma aki CBB kier logra cu no solamente e aspectonan negativo ta ser tresi dilanti, sino tambe cosnan cu sí ta anda bon, pa mantene un balance den e imagen cu ta trese dilanti di e campaña.

Riba e formulario ta menciona di forma specifico e diferente puntonan menciona den e Convenio riba cual posiblemente tin keho di no cumplimiento. Den caso di denuncia e formulario mester ta firma pa e persona cu ta hacie. Den caso di comentario o recomendacion esey no ta necesario. Ta recomendable pa entrega eventual prueba: portret, documento, etc. si esaki por ta relevante.

E formulario aki lo ta obtenible riba website di Camara di Comercio: [www.arubachamber.com/ComisionBonBoluntad](http://www.arubachamber.com/ComisionBonBoluntad)

Comentario den forma di denuncia o pa señala punto positivo por ser dirigi via email na: [comisionbonboluntad@arubachamber.com](mailto:comisionbonboluntad@arubachamber.com) o via fax: 5883200. Tambe por entrega e formulario en persona na oficina di Camara di Comercio, J.E. Irausquin Blvd 10, durante ora di oficina.

Proximamente CBB lo cuminsa divulga mas informacion detaya tocante e diferente aspectonan di e trabao di CBB y di e convenio na cual e partidonan politico ta comprometi, y tambe e convenio di conducta cu varios medio di comunicacion a firma caba, mientras cu tin acuerdo cu algun varios mas pa firma proximamente.

Atentamente,

Na nomber di Comision Bon Boluntad,

Lydia Emerencia, Presidente

Secretariado di Comision di Bon Boluntad :

Tel. 582-1120 Ext. 34/41-Fax. 588-3200

E-mail [secretariat@arubachamber.com](mailto:secretariat@arubachamber.com)

Website: [www.arubachamber.com/ComisionBonBoluntad.htm](http://www.arubachamber.com/ComisionBonBoluntad.htm)